

物者物亦不能害之矣觀夫赤子之骨尙弱筋尙柔無執而握固無欲而峻作者精至盛也雖作無欲故能全其精號之終日而嗑不噎者氣至和也雖號無妄故能全其氣和者神集氣凝生理之常也知其常而理自明其若貪欲以益其生者妄心也妄必生殃故曰不祥意住神住神住氣凝自然然而不關做作其若用心搬運妄動以暴其氣謂之強也是故無生無強赤子之心也益生使氣則失赤子之純一強作傷和殃必及之也血氣既盛但無思無慮無作無爲以養其和者安其常也如若縱心妄作以助其長如物盛必衰壯必老也若此謂之非道也哉學者若知其非則速已之安其常以

道藏輯要

道德下經釋辭

至

心集九
X X 8

養其和則無殃暴之咎矣

知者不言章第五十六

知者不言言者不知塞其兌閉其門挫其銳解其紛和其光同其塵是謂玄同不可得而親不可得而疎不可得而利不可得而害不可得而貴不可得而賤故爲天下貴

知者非不言蓋道不能以言盡也若太上之守中南郭子綦之隱几顏子之愚是知者不言也若王衍之清談公孫龍之辯儀秦之佞是言者不知也塞其兌不容言也閉其門不容思也見其銳便挫之也見其紛便解之也與眾光相和兼人之善也與眾塵相同同人之德也自然與道玄同安事乎浩

浩重樓而出以泄其和以喪其真哉觀夫日用之間動靜語默周知百爲自然之機莫不與道玄同同者不期同而同無所同而無所不同謂之玄同也玄同無所不同故無親無疎無利無害無貴無賤雖欲親之不可得也雖欲疎之不可得也雖欲利之不可得也雖欲害之不可得也雖欲貴之不可得也雖欲賤之不可得也惟不可得而親疎不可得而利害不可得而貴賤者則得玄同之妙故爲天下貴借使得而得之則不得謂之妙其亦不足貴也

以正治國章第五十七

以正治國以奇用兵以無事取天下吾何以知天下之然哉以

道藏輯要

道德下經釋辭

壹

心集九

此天下多忌諱而民彌貧人多利器國家滋昏人多伎巧奇物滋起法令滋彰盜賊多有故聖人云我無爲而民自化我好靜而民自正我無事而民自富我無欲而民自樸

以正治國順理而已以奇用兵從權變也以無事取天下無事無爲則民安故得天下之心也政煩多事則民亂故失天下之心也吾何足以知其治國用兵取天下之道哉但無私無欲以順其自然而已若以多事避諱而禁忌則民心不甯荒其治生而民愈貧也利器者用以勝人之技耳懷勝人之心者人亦懷勝心以應之禍亂故滋生也好伎巧而尙機事則人挾智術而競進奇物故滋多也嚴法令以禦盜賊則賊